



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4370/A






Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4370/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4370/A




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4370/A

4370/A







L. XVI.

4370

40988

OPVSCVLVM

DE SENA,

PLANTA INTER

OMNES, QVOTQVOT

sunt, hominibus beneficen-
tissima & saluberrima.

AVTORE ANTONIO MIZALDO
MONLVCIANO, MEDICO.

Accessit Proclus de Arcanis natura.



PARISIIS,

Apud CLAVDIUM MORELLVM,
via Iacobæa, ad insigne Fontis.

M. DCVII.

Cum privilegio Regiæ.





12
SPECTATÆ VIRTUTIS
& eruditionis viro, IOANNI
LE CHARRON, Lutetiæ in Cu-
ria Vectigalium Præsidi, & Pa-
risiensium Mercatorum Præfe-
cto, ANTONIVS MIZALDVS
medicus, S D.



RÆCLARA
& memorabilis illa
de Quintio Cincin-
nato Historia, cui, vt
scribit Plinius, qua-
tuor sua iugera in
Vaticano arāti (quæ erant, Columella
teste, auitū eius hærediolum) Viator, ni-
hil tale expectanti, Dictaturā attulit,

A ij

EPISTOLA

& trepida ante boues, ut canit Persius,
 Dictatorem induit vxor: illa, inquam,
 historia, mihi ob oculos ponit, Præses
 spectatissime, nuper tibi oblatam &
 adlatam Parisiensium Mercatorū, ut
 vocant, Præfecturam, qui summus est
 ciuium & populi magistratus. Nam
 cum tu nihil tale expectares, potioribus
 ciuium & minorum vrbis magistra-
 tum sententijs & suffragijs, ad id fasti-
 gij selectus & vocatus es: assentiente
 & suffragia probante Christianissimo
 Rege CAROLO, cui placuisse, non
 vltima laus est. Quod factum, simul
 ac fama mihi nunciauit, statim ani-
 mum meum tanta inuasit lætitia, ut
 prorsus dubitarem cuinam gratulari
 deberem: tibine, cui tam insignis digni-
 tas contigerit, an vrbi quæ talem habi-
 tura sit Præfectum, an Regi, qui tan-
 tum suis ciuibus & Parisiensi populo

NVNCVPATORIA. 3

præfecerit Nestorem, an potius mihi
 qui tibi sum amicissimus, & ob id for-
 tunarum tuarum particeps fieri debeo?
 siquidem vera sunt quæ Pythagorici
 tradunt, πᾶσι φίλων κρινά: καὶ, φίλον
 ἔτερον αὐτὸν εἶ. Si quid, mihi crede, in
 rebus meis esset vnione vel candidius,
 vel preciosius, ego hac nota libentissimè
 signarem eum diem, in quo non lubrico
 exculata Dea fauore, sed tribuum, &
 optimatum Urbis, concordi calculo,
 gratòq. Principis assensu, eo magistra-
 tu, bonis, vt dicunt, auibz inaugura-
 tus es. Quod fælix faustumque sit pre-
 cor & opto. Non etenim ignoras quã-
 to cum onere, nedum honore, illa pro-
 uincia, hoc præsertim tempore, tibi obe-
 vnda sit. Verùm enim uerò, qua es mo-
 destia, virtute & prudentia, quam na-
 ctus es Spartam, circumspectè, & Dei
 Opt. Max. presidio, inculpate reges &

A iij

EPISTOLA

adornabis. Quod reliquum est, ut nouo aliquo munusculo, nouum hunc magistratum tibi gratularer, visum fuit, ceu palam testato animi mei gaudio, in tuo nomine publicare, & tibi officiosè deuouere Opusculum hoc de SENA, plāta inter omnes, quotquot sunt, hominibus beneficentissima & saluberrima: ut quod medicorum est promittant medici, & tractent fabrilia fabri. Quale quale est Opusculū, de eo dicere haudquaquam dubitem quod de philosophiae studio scripsit Horatius,

*Aequè pauperibus prodest, locupletibus aequè:
Aequè neglectum, pueris, senibusque nocebis.*

Illud itaque placidè, pro tunc cādore, excipere, & in *μνημόσυνον* mea erga te nō vulgaris & veteris amicitiae habere dignaberis. Quod factū si intellexero, non solum conat' meos ad meliora promouebis, sed & me ipsum tibi deditissi-

NVNCVPATORIA. 4
num semper habebis. Verùm hac sa-
tis, præsertim apud eum cui Populi cõ-
missi, & magna negocia cura. Fælici-
ter itaque vale, Præses æquissime, &
Præfecte vigilantissime, in eo qui om-
nium valetudinem & salutem in ma-
nu habet: cuius immensa bonitas, & te,
& eximium scerum tuum in regia-
rum rationum collegio, vel, ut loquun-
tur, Computorum Camera Magi-
strum, mihi semper & vnicè colēdum,
diu Reipub. incolumes custodire digne-
tur.

IOANNIS DECVLLANT
MONLVCIANI, IN SENATV
Parisiensi aduocati, Ode dicolos te-
trastrophos ad Anth. Mizaldum co-
gnatum charis.

Na, MIZALDE, vides quòd celeres citò
Anni diffugiunt, atque dies boni:
Noscis quid valeat sudor, & ocium
Quàm sit triste malum nimis.

Praclare ergo facis dum vegetum viget
Iam nunc ingenium, & firmus adest calor,
Scriptis velle tuis noscere posteros:
Te vixisse nepotibus.

Debent multa tibi docta pascua, &
Debent iactant scita salubria,
Nam cunctis aperis quæ præciosa sunt
In his, ingenuè, artibus.

Non ingrata ferent sæcula gratiam
Posthac: & Dominus qui colit vnice
Doctos, atque bonos, ne dubita, tibi
Mercedem dabit optimam.

ἐκ πόνου τὸ κλέος



DE SENA, PLANTA
*inter omneis, quotquot sunt homini-
bus beneficentissima & saluberrima,
Opusculum, Autore ANTONIO
MIZALDO Monluciano, medico.*



QUIA nullum ho-
die purgans medi-
camentum simplex
tam frequens ha-
betur in ore & o-
pere, non dicam
vniuerso medicorum ordini, sed Nullū me-
dicamentum
Sena popu-
larius.
etiam omni ferè populo, quàm Se-
na: idcirco precium operæ factu-
rum me putavi, si illius historiam,
vsum, facultates & præstantissima

B

ANTONII MIZALDI

auxilia à Græcis medicis, Arabibus
& Latinis fideliter accepta, & ha-
ctenus magno mortalium com-
modo probata, hîc, prò mea tenui-
tate; paucis perstringerem. In eo-
rum maximè gratiam, qui vel me-
dicinæ non sunt initiati, vel aliis
studiis & occupationibus ita sunt
distracti, vt medicorum libros eis
legere non liceat. Venio itaque à
verbis in rem.

*Quibus scri-
batur hoc
Opusculum*

*Quibus nominibus vocetur Sena apud
varias gentes. CAPVT I.*

*Sena varia
& gentilia
nomina.*

PLANTA, Græcorum medicis
iunioribus (nam antiquiores
eam ignorarunt) *σέννα*, vt etiam La-
tinis nuncupata, vel, vt Hermolao
placet, Senna, Gallis Sené, Germa-
nis Senet, Hispanis Sen d'Alexan-

OPUSCULUM DE SENA. 6
dria, & Italis Sena, Aphricanis. Arabibus, ac Mauritanis medicis, Sene, Persis, teste Damasceno Mesue, Abalzemer, patrio vocatur nomine.

Senæ descriptio, pictura & deliniatio.

CAPUT II.

SENA herba est foliis constans
glycyrrizæ, sub pinguibus &
crassis, caule cubitali, à quo flexiles
lori modo exeunt ramuli, flores
illi adsunt aurei, veluti brassicæ,
purpureis venulis intercurrentibus:
quibus falcati succedunt folliculi,
tenui pediculo è ramulis penden-
tes: adeoque natura compressi, ut
inferior membrana superiori ad-
hæreat. Maturescentes impetu ven-
torum facilè deturbantur, con-
tento intus semine quod ex nigro

*Senæ deli-
niatio ex
And. Mat-
thiolo, in
70. c. 3. lib.
Dioscoridia*

B ij

ANTONII MIZALDI

*Serapio in
libro de sim-
plic. medi-
camentis.*

subuirescit & vuarū vinaceis vsque
adeò simile habetur, vt non facilè
alterum ab altero, prima oculorum
obseruatione distingui possit. Se-
rapio Arabs medicus, lunatas sili-
quas & oblongas illi ascribit: in
quibus semina per ordinem dige-
sta clauduntur, & ab opinionibus,
impinguandis ouibus, vbi decide-
runt, diligenter leguntur. Planta
hæc frigoris summè est impatiens,
vnde Maio mense debet feri: nec
vltra Autumnum viget. Priùs fata
facilè perit, seriùs hyemem non
sustinet.

*Senam non esse eandem cum colutea, &
de vtriusque discrimine & pictura.*

CAPVT III.

*Lib. 3. cap.
17. de plan-
tariū histo-
ria.*

FALLVNTVR qui arborem
eam quam Theophrastus Co-
luteam appellat, Senā esse ob id ar-

OPUSCULUM DE SENA. 7
bitrantur, quòd folliculos habeat
saginādis ouibus à pastoribus sum-
mè expetitos, vt de lunatis filiquis
Senæ, paulò antè scripsisse diximus
Serapionem : Verùm id discrimi-
nis inter vtramque intercedit,
quòd Colutea vocata, arbor sit
& non herba. Cuius descriptio-
nem, qualem ex ipsa arbore mihi
licuit in quodam horto amœnissi-
mo excipere, hîc proponere non
grauabor. Itaque, Colutea arbor
est, in hoc Parisiensi agro, vt etiam
in aliis frequens : De cuius stipite
prodeunt rami quamplurimi, sur-
culos admodum tenues ac flexiles
hinc inde spargentes, è quibus
exsunt folia, fœno-græco, vel gly-
cyrrhizæ non multum dissimilia,
æquali vtrinque serie, & numero
(vbique ferè vndenario) perbellè

*Colutea de-
linatio ad
vnguem
expressa*

B iij

ANTONII MIZALDI

discreta, sed sub autumnum flatue-
scentia, leuique ventorum agitato,
vel aliter, cum suis surculis cadiua.
Ex eorum alis, maximè ad ramo-
rum cacumina, suo tempore emer-
gunt virgulæ quædam, agnata di-
cas foliis vbique viduæ: quæ sum-
ma & extrema sui parte, flauos &
aureos diffundunt flores: singulos
alicubi, binos alibi, ternos, quater-
nos, & quinos, vel plurimùm se-
nos glomeratim. Qui, genistæ mo-
do, in faculæ vineaticæ & lunulæ,
aut scripiculæ formam paulatim
desinentes, totidem vesicularum,
quot illi fuerunt, rudimenta ex-
primunt. Quæ quidem vesiculæ,
ex pediculo admodum fragili, si-
gillatim pendulæ, in ventrem & ca-
rinatum gibbum pedetentim ex-
crescunt: viridi primùm & herba-

*Flores Co-
lutea, et ex
his folliculi,
& vesicula*

OPVSCVLVM DE SENA. 8

ceo colore, tum demum subrube-
 scente & rufo. In iis pars carinata,
 gibba & conuexa, neruo, ceu septo
 quodam oblongo, & veluti dia-
 phragmate, in duas parteis diri-
 mitur, æquè ac sima & concaua-
 re vera peram pastoralem, vel pi-
 scatoriam nauiculam esse dicas, se-
 se hinc inde proferentibus à cauda
 & capite, ceu à prora & puppi,
 quibusdam appendiculis, quæ li-
 gamentorum vicem ac modulum
 præ se ferunt. Dictæ vesiculæ, vel,
 si mauis, vtricoli & folliculi cre-
 scentes, vsque adeò distenduntur
 & pellucet, vt immisso flatu, quis
 factum fuisse non temerè sibi per-
 suadeat: Cùm tamen natura, non
 arte id fieri certò constet, spiri-
 tùmque distendentem ibi inesse
 palàm arguat crepitus erumpens

*Vnde disten-
 duntur co-
 lutea folli-
 culi.*

ANTONII MIZALDI

vbi pedibus vel manibus, aut aliter, instar vesicularum in piscibus premuntur. Mébranei huiusmodi folliculi tādē flaccescunt, semina includentes ad rectam lineam miro ordine vtrique digesta, parua, & vbi maturuerint, atra ac rotunda, lētis effigie. Sed in Colutæ pictura & descriptione versatum satis.

Quod ad plantam Senæ attinet, non habeo quod in præsentiarum de illius historia & deliniatione aliud proferam, quàm quòd paulò antè ex Andrea Matthiolo dictum fuit. Nam hætenus viuam

Capite præcedente.

& in sua radice vigentem herbam videre mihi non licuit. Vt vt fuerit, in eo discrepat Sena à Colutea, quòd pressis & lunatis, sic satis, folliculis siliquetur, qui nec turgent nec distenduntur ac pellucēt, vt

in Colutea: & semen, ut scripsimus, In quo dif-
ferat Sena
à Colutea.
 includunt, vuarum vinaceis & gra-
 nulis fane quàm simile. Quibus
 addes, quòd Sena paucorum men-
 sium est herba: Colutea verò mul-
 torum annorum arbor, semine &
 ouillo fimo præcipuè nascens, ut
 tradit Theophrastus: Quo etiam
 autore, feri debet sub Arcturi oc-
 casum præmacerato semine, &
 cùm in aqua pullulare cœperit.
 Cæterùm & si Colutea Alexandri
 Magni ætate non temerè alibi
 quàm in Lipara nascebatur, iam
 diu tamen in Gallia multis ut dixi-
 mus locis viget, ac nomine *Bague-*
naudier omnibus innotescit. Er-
 rant itaque, meo iudicio, qui ei
 facultates omnes innoxie tribuunt, Facultates
Sena non
conuenire
Coluteæ.
 quas vna Sena sibi peculiariter ven-
 dicat. Nam præter quàm quòd

C

ANTONII MIZALDI

vomitiones, non secus quàm geni-
stæ semen, promouet: Colutea,
etiam ventriculo summum nego-
cium facessit, & tormina multa ex-
citât: necnon flatus & intestino-
rum rugitus: Quorum omnium
expers est Sena, vt paulò pòst ostē-
demus.

*Quibus partibus sua plāta sit præstan-
tior, efficacior, & purgantior Sena.*

CAPVT IIII.

SCRIBIT Ioannes Mesues Da-
mascenus, in Arabicorū medi-
corum collegio summus & ce-
lebris, Senam folliculo quàm foliis
efficaciorem esse, præsertim si is ex
viridi nigricet, sit modicè amarus,
absolutus, subastringēs, recēs, & se-
men continēs amplum ac pressum,
nam

Lib. 2. de
medicam.
simpl. pur-
gantibus,
cap. 15.

OPVSCVLVM DE SENA. IO
nam vetustate exanimatur. Qui
subalbidus est folliculus & imper-
fectus, non probatur: folia viridia
sunt præstâtiora subalbidis, & craf-
sa tenuibus, furculi verò inutiles.
Hactenus Mesues. Qui, vt audiuiſti, *Senæ folli-
culi & fo-
lia.*
Senæ folliculos in deiiciēda aluo,
foliis longè efficaciores ac præstâ-
tiores facit: reclamante, non dicam
Manardo Ferrariēſi, ſed etiam diu-
turna & aſſidua medicorum expe-
rientia: etſi Braſauolus, qui Me-
ſuem tueri videtur, contrarium
ſentiat. Actuarius ſiliquoſo fru-
ctu, à Barbaris vocato, vt videtur.
Andreas Matthiolus ſuis in Dio- *Libro tertio
cap. 70*
ſcoridem doctiſſimis Commenta-
riis, hanc controuerſiâ, ſanequàm
rectè, mea ſententia, ad hunc mo-
dum componere ſatagit: Scien-
dum, inquit, quòd Senæ folliculi

C ij

ANTONII MIZALDI

*Senæ folli-
culi duorum
generum.*

*Experimē-
tum Mat-
thioli de se-
næ folliculis
& foliis.*

qui siccati asseruantur, duorum
sunt generum. Vnum per se ca-
ducum, & in sua planta arefactum,
à quo semen eximunt nigrum &
prorsus euanidum: Huic nullas,
vel saltem paruas facultates tri-
buunt. Alterum, ante maturita-
tem demetitur, crassum, pondero-
sum & succo prægnans: Quod re-
getibus expāsū, in vmbra venun-
dandum exsiccatur. Huic, inquit
Matthiolus, sicuti millies pericu-
lum fecimus, non minor vis deie-
ctoria inest, quàm foliis. De eo
itaque sensisse videtur Mesues. Cui
de experimento subscribit idem
Matthiolus, affirmās se aliquando
integrum Senæ campum seuisse
(quales in Hetruria, & præsertim
in Florentino agro quampluri-
mi visuntur) vt illius folliculos vi-

rentes & succi plenos decerperet:
 mox siccatos experiretur: num ea-
 dem vis eis inesset quàm foliis:
 quod tandem ita esse facilè agno-
 uit. Qui itaque folliculis com-
 modè & salubriter vti voluerint,
 Matthioli exemplo, Senam ferant
 vt illos & optimos, & recentes in
 manu habeant, vel saltem proba-
 tissimos emant, si tamen eiusmodi
 reperiri poterunt: si minùs, foliis
 vtantur selectis, vt passim fieri so-
 let. Nam hodie nullum ferè præ-
 scribitur repurgans medicamen-
 tum, quod illorum misturam non
 admittat. Non temerè itaque Ma-
 nardus Senæ folia, folliculis cadu-
 cis & arefactis purgantiora esse su-
 stinuit. Ioannes Fernelius in omni
 parte medicinæ, citra controuer-
 siam, summus, Mesuem & Arabes

*Folia senæ
 in usu fre-
 quenti ho-
 die esse.*

*Cap. 10.
 lib. 5. Meth.
 med.*

ANTONII MIZALDI

Comment.
in cap. 15.
lib. 2. de
med. simpl.
Mesua.

Pharmaco-
pœorū quo-
rundam er-
ror, vel po-
tius negli-
gentia.

sequutus, Senæ folliculos foliis an-
teponit. Cui Iacobus Syluius sane-
quàm libenter subscribit: vtcūque
fuerit, nam vnguem non verterim,
qui folliculis vti volet, quales antè
scriptum fuit sibi comparet: cui
verò folia magis arridebūt, recen-
tia & ampla seligat, à quisquiliis,
paleaceis fordibus, & furculis, qui-
bus scatet diligenter repurgata: in
quo Pharmacopœi plærque osci-
tanter, ne dicam turpiter, peccare
mihi videntur, dum indiscrimi-
natim omnia, vel coquendo, vel
macerando confundunt.

Senæ bonitas, electio & præstantia.

CAPVT V.

QVOD attinet ad bonitatem
& excellentiam Senæ, ea præ-
stare fertur quæ ex Alexandria Æ-

gypti, vel Syria adfertur. Hanc enim summis laudibus tam Latini quàm Græci medici iuniores effe-
runt. Iacobus Syluius, Indicam & Ægyptiam valentio-
rem esse scribit parte media quàm sit Appula
& Ligustica: & rursus postremam
nostrate Colutea: quæ, vt diximus,
falsò & perperàm pro legitima Se-
na à multis vsurpatur. Vtra verò
præstantiora sint, folia an folliculi,
paulò antè disputatum est.

*Syluius loco
paulò antè
cirato.*

*Quo pondere & modo exhibeatur Se-
na, Arabibus, Græcis, ac Latinis
Medicis.* CAPVT VI.

SERAPIO Senæ tritæ ceu pul-
ueratæ drachmam vnā, coctæ
verò semunciam, vel drachmas
quinque imperat. Mesues infun-

*In lib. de
simpl. medi-
camentis.*

ANTONII MIZALDI

Libro &
cap. antea
notatis.

dit ab aureis tribus, hoc est, à semū-
cia, vel drachmis quatuor cum se-
misse, ad vnciam vnam. Ex Græ-
cis vnus Actuarius, pulueris exhi-
bet drachmam vnam: in decocto
verò semunciam. Ioannes Ferne-
lius dat pulueris ad drachmas duas,
decocti à drachmistribus ad drach-
mas sex: diluti verò ab vncia dimi-
dia, ad vnciam vnam. Quæ omnia
ad sumentium naturam, & medi-
candorum vires, ætatem, corporis
habitum, sexum, & alios scopos,
prudenter sunt referenda & coa-
ptanda.

*Facultates & probata Senæ præsidia,
ex Græcis medicis. CAPVT VIII.*

ACTVARIVS, qui solus in-
ter Græcos medicos, quan-
tum

tum extat, Senæ vires descripsit,
 memoriæ mādauit illam & bilem,
 & pituitam, denarii pondusculo
 deiicere, absque vlla corporis & fa- *Quibus mor-
 bis succur-
 rat Sena, ex
 Actuario
 medico græ-
 co.*
 cultatum eius noxa & molestia:
 Secundum hos humores, retorri-
 dam, atramque bilem, etiam mo-
 destissimè purgat, & illarum suffu-
 siones ex gallinaceo iure clemen-
 ter expellit. Insuper vetusto capi-
 tis dolori, scabiei, comitialibus, &
 impetigini succurrit, sed modicè
 feruefactæ Senæ iusculum, potius
 quàm tritæ farina propinatur: in-
 ternas etiam obstructions referat.

*Facultates & auxilia Senæ, ex Ara-
 bibus medicis.*

CAPVT IX.

IOANNES Mesues Damasce- *Libro 2. pur-
 gantium me-
 dicamento-
 rum sim-
 plicium,
 cap. 15*
 nus, de Senæ facultatibus & præ-
 fidiis ad hunc scribit modum.

D

ANTONII MIZALDI

Sena terget, expurgat & digerit: ob
id melācholiā & bilem vstā à ce-
rebro, sensoriis organis, pulmone,
corde, hepate & liene deiicit. Proin-
de morbis dictarū partium ab hu-
more huiusmodi proficiscentibus
succurrit, vt melancholicis feбри-
bus & antiquis. Gaudium gignit,
sublato humore absque causa ex-
terna tristante, & floridum corpus
efficit, obstructionēsq̃ viscerum
aperit. Decoctum foliorum eius
& chamemeli, neruos ac cerebrum
lotione roborat. Eadem quoque
Sena, modo quouis vsurpata, vi-
sum & auditum firmat. Cuius pur-
gatio si tarda fuerit & imbecilla,
mistis acribus celerabitur: vt Zin-
zibere, sale gēmeo, sale Indo, & si-
milibus. Ne verò stomachum læ-
dat, cardiaca & stomachica ei sunt

*Quonam
modo inue-
tur & ac-
celeretur se-
na purga-
tio.*

OPVSCVLVM DE SENA. 14

miscenda, & largo pondere ex iure
galli, gallinæ, vel aliarum carniū
coquenda, vt citra molestiam pur-
get: vel serò lactis infundetur cum *Quibus mi-
sceri gaude
at Sena.*
spica, deinde parum diu feruebit.
aut puluis foliorum eius ex lacte
dulci sumetur. Sunt qui decocto
eius cum prunis, & spica fœliciter
purgent. Cæterum mediocrem
sustinet coctionem. Hactenus
Mesues.

SERAPIO Arabum Medi- *In lib. sim-
plicium me-
dicament.*
cus, hæc, de facultatibus Senæ,
posteritatis memoriæ reliquit. Se-
na mirificè prodest delirio, amen-
tiæ, scissuris totius corporis, reso-
lutioni neruorum, phthiriasi, ce-
phalalgia, scabiei, pustulis, pruri-
tui & epilepsiæ. Cor etiam roborat
modò iis cōmisceatur medicamē-

D ij

ANTONII MIZALDI
tis, quæ ipsum maximè confirmât.

*Quibus succurrat morbis Sena, & quæ
præstet auxilia hominibus, ex Latinis
medicis. CAPVT X.*

*Libro 6^{to} lo-
co prius ci-
tato.*

*Quas cor-
poru partes
maximè re-
purget Se-
na.*

IOANNES Fernelius Senam &
Icius auxilia his commendat ver-
bis: Sena melâcholiâ mretorridam,
nec non bilem, & crassam pituitam
commodissimè purgat: non statim
è distantioribus locis, sed præcipuè
è liene, deinde etiam ex aliis visce-
ribus, ex hypochondrijs & mesête-
rio: in quibus est omnis eluuij
sentina. Ex ijs enim sedibus vix
aliud quidquam æquè validè cor-
ruptos humores prolicit, aut ob-
duratos tumores euacuat, aut in te-
nues venas subiens, veteres earum
obstructiones expedit: neque ta-
men vicinas hydropicorum aquas

OPUSCULUM DE SENA. IS
detrahere potest. Diuturnorum
atque lentorum morborum, quos
viscerum impuritas, aut vetus ob-
structio genuit, singulare est præsi- *Mira Senæ
presidia.*
dium: ut lentarum, veterumque fe-
brium, melancholiæ, epilepsiæ, sca-
biej, impetiginis, vitiliginis, elephā-
tiasis, & omnis denique impurita-
tis. Sensus pariter exacuit, cor exhi-
larat, torsionibus sæpè molesta:
non quòd flatulenta sit, sed quòd fir- *Senam fla-
tulentam
non esse.*
miter hærentes humores, & plerun-
que acres, nequeant sine sensu dolo-
ris auelli. Nunquã tamen deprehē-
sum est, vel intestina corradere, vel
sanguinem proritare: blandè alio-
qui, sed tamen lentè purgans: nulla
qualitate infensa, nisi quòd ventri-
culo aliquantùm grauis: pueris, ac
senibus utilis, neque prægnantibus *Senam præ-
gnantibus
non esse ad-
uersam.*
aduersa. Permiscenda ei sunt quæ

D iij

ANTONII MIZALDI

*Quenam
misceri senæ
conueniat.*

ventriculum roborent, simulque
tardiores vim extiment: cuius-
modi sunt Zingiber, cinnamo-
mum, aut spica: & quæ leniendo,
sine torsionibus, facile deducant.
Qualia sunt iura pingua, pruna,
iuiubæ, vuç passæ, viola, althea, po-
lypodium: & qui ex his fiunt syrapi.

*Comment.
in cap. 15,
libr. 2. Ioan.
Mesua.*

IACOBVS Syluius de Senæ
auxiliis in hunc scribit modum: Se-
næ folliculis latis, sed falcatis, & in
his semine, vtilior purgando hu-
mori melancholico & morbis ab
eo pendentibus & prodeuntibus.
Multis torminosa est, alijs clemēs,
pro varia sumentium natura. Tu-
tius tamen est mastiche, vel cary-
ophyllis, & alio (vt cinnamomo,
semine anisi) corrigere: folijs non
est inefficax. Veteribus omnino

OPVSCVLVM DE SENA. 16
indicta est planta.

MANARDVS Ferrariensis se expertum dicit, Senam præter iam dicta, & contra Auerrhois sententiam, pituitam etiam purgare: ex Actuarij Græci medici, vt antea monuimus, opinione & experimento. Ad hec, valere aduersus *Senam valere aduersus luem hispanicam.* luem Hispanicam: Aquas etiam purgare sæpenumero visa est.

ANDREAS Matthiolus Dioscoridis interpres ad vnguem factus, de Sena hæc ex multis tradit: E nostrate Sena, inquit, adhuc in agro virēte, & rosarum diluto, ego *Comment. in cap. 70 libri 3.* quotannis syrupum parare cōsueui, qui tutò & largè omnes purgat humores. Datúrque cōmodè prægnantibus, ac pueris, & cuiuscunque ætatis hominibus. Dilutum

ANTONII MIZALDI

*Dilutum Senae præstare
eius decocto.* tamen magis præstat, quàm deco-
ctum: quia nulla ex parte exhalat.
Cuius vnciæ quinque, vel sex, al-
uum absque molestia solvunt.
Quòd tutò dari possit prægnanti-
bus & pueris, experientia docuit:
cui suffragatur Actuarius, Senam
*Quenam ad-
denda ut al-
uum valen-
tius deiciat
Sena.* citra noxam purgare tradens. Red-
ditur medicamētum hoc in deii-
cienda aluo præstantius atque va-
lentius, si cassia nigra, aut manna,
aut rhabarbaro, aut rosarum dilu-
to, aut rhodopharmaco, quod of-
ficinæ syrupum rosatum solutium
vocant, commisceatur: aut si ma-
ceretur Sena caprino fero. Visce-
rum obstructions aperit, auget
iuuentutem, senium retardat, ani-
mi hilaritatem adfert: & pleraque
alia commoda præstat: de quibus
anteà.

Com-

Compositio præstantissimi diluti è Sena, eodem Andr. Matthiolo præscribente.

CAPVT XI.

VMANTVR foliorum electissime Senæ drachmę sex: Zinziberis, aut cinnamomi cōtriti, drachma vna: florum buglossi, drachmę duę: misceantur omnia, & fictili vitreato, aut stanneo vase angustī orificij excipiantur: affusisque feruentis aquæ, vel feri caprini, vnciis decem, vasis osculum adeò occludatur, vt nullus omnino spirandi pateat exitus. His peractis, puluinari plumis anserinis farcto, ignique calefacto vas inuoluatur, & in arca vbi pernoctet, reponatur. Sic enim calore seruato, omnem in se facultatem dilutum recipiet, & summè

Efficacissimum dilutū è Sena, & eius compositio.

E

ANTONII MIZALDI

efficax habebitur ad omnes paulò
antè memoratos affectus, absque
vlla molestia, & corporis noxa.

*Vinum è Sena medicatum, ex Ioanne
Mesue. CAPVT XII.*

Lib. 2.
cap 15.

VINO musteo albo, inquit
Mesues, miscebat quidã vim
magnã Senę, post tres menses po-
tandum dabat: sicque purgabat ce-
rebrum & sensoria organa, nec
non gaudium augebat, ac lætitiã.

Si quis alias formas cõponendi
huiusce vini medicati, & aliorum
item quorumcũque scire cupit, le-
gat quæ haud ita pridẽ à nobis scri-
pta sunt, in Opusculo de variis artifi-
ciis & facili methodo cõponendo-
rum olerum, radicum, fructuum,
vuarum & vinorum, quę diuersis
morbis

Reperitur
Lutetia a-
pud Federi-
cum Morel-
lum Typo-
graphum
Regium.

OPVSCVLVM DE SENA. 18
morbis iucūdè, & absque vlla noxa
clementer succurrant: illic inue-
niet quod didicisse iuuet.

Hæc sunt quæ in præsentiarū de
Senæ viribus & præstātia scribere
visum fuit. Cuius *πλυχρήστα* auxi-
lia qui attentè obseruabit, illam, re-
uerā, non ampliùs Senam, sed Sa-
nam herbā *κατὰ μετωνυμίαν, καὶ συνεκδοχι-
κῶς* perappositè nūcupabit. Fruere,
Lector optime, & propicio cælesti
illo Æsculapio (sine quo est omnis
medicina venenum) fœliciter vte-
re: vt sano, è Sena, sit mens in cor-
pore sana.

FINIS.

LECTORI ARCANORVM
NATVRAE STUDIO S.

AD MONITVS à Typographo paginas aliquot nudas, & albas, vt vocant, sub finem Opusculi nostri superesse, precium operæ facturum me existi-
maui, si scripto aliquo insigni eas vestirem et reple-
rem. Illud cum diu multumque disquisiuissem, ecce,
peropportunè inter chartulas meas sese obtulit Procli
Platonici philosophi Narratiuncula, cum vetustate,
tum eruditione adprimè commendabilis. Huius ita-
que fragmentũ, vel potius paraphrasticam Epitomen
è Græco hîc pro coronide, tibi assuere visum fuit.



VEMADMODVM Ama-
tores, inquit Proclus, à formo-
sitate quæ circa sensum versa-
tur, paulatim ad diuinam pul-
chritudinem transiuerunt: ita
prisca arcanorum Naturæ per-
scrutatores dum rerum naturaliũ quandam συ-
μπύκτωρ, cognatione & amicitiam aliorum ad alia
& manifestorum ad vires occultas animaduerte-
runt, & omnia in omnibus esse cognouerunt, sa-
cram inter eos & arcanam scientiam condide-
runt, scientes in infimis suprema latere, & in su-
premis infima. In cœlo quidem terrena, sed
modo cœlesti: & in tellure cœlestia, sed modo
terreno. Nam vnde arbitramur plantas illas
quas Solisequas vocât, pro Solis motu ad Solem
conuerti ac moueri & Lunisequas, ad Lunam,
nisi quod illæ velut precantes, hymnos concin-

PROCLUS DE

nunt ad ordinis sui duces? Sed alia quidem intellectu-ali modo, alia rationali, alia sensibili id agunt. Ex quo fit vt Solisequa planta, quomodo-
docunque potest ad Solem moueatur: Cuius pulsationem circuitu in aëre factam si quis audire posset, procul dubiò harmoniam quandam erga suum regem ex ea in illum conuersione modulata obseruaret, qualem planta ipsa potest perficere. Quamobrem licet in terra, & Solem & Lunam aspicere, sed pro terrena qualitate & modulo. Ad hæc in cœlo plantas, lapides & animalia pro cœlesti natura vitam intellectualem habentia. Quod vnum veteres contemplati, aliis cœlestium, aliis terrenorum naturam appositè tribuerunt: & hinc diuinas virtutes ob quandam similitudinem in locum terræ, & res illius non ineptè deduxerunt. Quid de Loto dicam? qui antè Solis exortum folia in se complicat, & eodem oriente illamet paulatim explicat, donec ad mediam cœli plagam ascenderit, quo tempore illa prorsus pandit & aperit? Quaten⁹ verò à summo cœlo imum petit, sensim eadem contrahit. Qua vna foliorū dilatatione & contractione, numquid videtur Solem non minus honorare, quàm homines genarū gestu, ac labiorum motu & agitatione? Nec in plantis solū quæ vestigium habent vitæ, sed etiam in lapidibus eam imitationem & participationem superiorum luminū aspicere licet ac demirari. Nam Helites lapis solares radios, aureis suis radiolis imitatur: & Selenites figura lunæ cornicularis similis, quadam sui mutatione lunarem sequitur

ARCANIS NATVRÆ.

motum. Sic Helioselenus quodammodo Solis & Lunæ cōgressum æmulatur & colore figurat. Adeò diuinorum plena sunt omnia, terrena cœlestium, cœlestia verò supercœlestium: proceditque quilibet ordo rerū, vsque ad vltimum. Sunt & animalia plæraque solaria, veluti Leones & Galli, numinis cuiusdam solaris, pro sua naturā participes, vnde mirū, est quantū inferiora in eodem ordine superioribus cedant: quanuis magnitudine & potentia illis nihil concedāt. Hinc ferunt Gallum à Leone quamplurimum timeri, & quasi coli. Cuius rei causam à materia aut sensu assignare non possumus, quin potius ab ordinis contemplatione & principatu: quòd solare numen Gallo magis faueat ac cōueniat quàm Leoni. vnde ille surgenti Soli, cantu, ceu hymnis quibusdam, applaudit, eūque, dum ex Antipodum medio cœlo ad nos deflectit, quasi euocat & cātando festinare inuitat. Addo quòd solares dæmones nonnunquam visi sunt leonina fronte ac facie: Quibus cū Gallus obiiceretur, repentē disparuerunt: quòd sanè inde procedit, quia quæ in eodem ordine sunt inferiora, superiora semper reuerentur, illaque reformidant non secus quàm multi de infima plebe, qui quoties summorum & diuinorum virorum, non dicam faciem, sed imagines aut statuas intuentur, non solū eas reuereri solent, sed etiam formidare ne illis præsentibus aliquid turpe committant. Haftenus Proclus.

Spiega d'è Sogni

Vedi Septo Centuria #i 15. 27. 40. 52

Handwritten text in a cursive script, likely a title or heading, located at the top of the page. The text is faint and difficult to decipher but appears to be written in a single line.

